


Lower
E-3

No. 24



康熙五十二年恭值

仁皇帝六旬萬壽都城各寺例設經棚張燈懸彩各臣工恭

擬燈聯進呈

御覽

謹錄燈聯如左

般若菴經棚云周雅賡歌如山如川如日月箕疇斂

福曰富曰壽曰康甯 普慶寺諷經處云文德武功

兼帝王而大備心宗性學貫聖智以純全 燈棚牌

樓云輦道風清葭管萬年調玉露瑤池春暖華燈五

夜徹瓊霄 龍泉寺諷經處云沸地笙鏞丹鳳和鳴

占景運彌天煙靄青鸞翔舞識禎符
廣濟寺牌坊

云算永東華若木光騰春九十祥開南極蟠桃花放

歲三千 東三官廟牌樓云保合太和道綜乾始坤


生兩儀並久誕膺多福功被民熙物阜四海皆春

西三官廟牌樓云帝握貞符禹甸盡歸滄海貢天開

景運堯封常祝紫宸朝 慈獻寺前牌坊云十雨五

風處處康衢歌帝力千秋萬歲年年華渚耀神光


華嚴燈圖



萬壽燈圖



洪福延壽燈圖




觀音燈圖



萬壽景命燈圖



藥師燈圖



九蓮燈圖




法華燈圖




孔雀燈圖




大消災燈圖



報恩燈圖



三寶燈圖



四府燈圖



金光明燈圖



明王燈圖



大般若燈圖



土 司 燈 圖



慈悲梁皇懺燈圖



慈悲水懺燈圖



小消災吉祥燈圖



地 藏 燈 圖



盃蘭盆燈圖



乾隆五十五年恭值

純皇帝八旬萬壽華祝嵩呼之盛尤為史牒所罕觀其經壇

長聯最為壯麗膾炙人口者相傳為彭元瑞所撰萬壽盛典未能備載間從清秘堂鈔寫謹記錄如左

龍飛五十有五年慶一時五數合天五數合地五事

修五福備五世同堂五色斑斕輝彩服鶴算八旬逢

八月祝萬壽八千為春八千為秋八元進八愷登八

音從律八風縹緲奏丹墀 又甯壽宮燈聯稱

旨

純皇帝嘗賜以詩云東西次第南而北左右分明後與前神

以靈通氣以運六為之儷四為駢

天語褒嘉文字寵遇可謂渥矣

按元瑞此聯係乾隆五十年事是冬

公初協贊綸

廟時和坤在樞誣以青詞宰相遂有燈聯相公之目

擬中害之幸公當早年已結

主知獲無恙章京方葆巖維甸嘗與力爭公後有贈

方詩云半山學行吾何敢為我伸眉觸要人即指此

事也古今應制文字但求合體不矜奇異其慎矣哉

又乾隆中重陽節

巡幸熱河

駐蹕萬松嶺

彭元瑞將行宮舊楹

悉

易新聯構思得句云八十君王處處十八公道旁介

壽指萬松嶺覓對頗艱馳介屬紀文達公成之文達云芸

楣又來考我乎即令來介立待封紙付還文勤啓視

則已就餘紙寫成對語矣句云九重天子年年重九

節塞上稱觴嘆曰曉嵐真勝我一籌矣國家盛時明

良賡歌真詞臣之韻事也

余遊書肆購燈圖一冊碧綠如新因復摘錄儒臣燈

聯以鼓吹承平



3701